



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

V. Vota in Congregatione Missionis a solo Romano Pontifice, vel Superiore
Generali possunt dissolvi.

[urn:nbn:de:hbz:466:1-74708](#)

Edita die 13.
Junii 1670.

etum, hac vice dumtaxat, consequendum specia-
liter, & expresse derogamus, ceterisque contra-
riis quibuscumque.

Datum Romæ apud S. Mariam Majorem sub
Annulo Piscatoris die 13. Junii 1670. Pontificatus
nostræ Anno Primo.

I. G. Slusius,

*Registrata in Secr. Brevium in lib. Mensis Ju-
nii part. 2. fol. 227.*

IV.
Edita A. D.
1670.Nunc primū
impressa.

Exordium.

Indulget Cle-
ricis R. Ca-
meræ deferre
Galeri redi-
micum col-
loris viola-
cei.

Decretum
irritans.

Derogat con-
trariis.

Edit. die 21.
Junii 1670.

Indultum concessum Clericis Cameræ Apostolicæ
tam præsentibus, quam futuris gestandi Galeri
redimiculum, *Cordone*, vulgariter nuncupatum
coloris violacei in quibuscumque functionibus,
& actibus publicis, & privatis.

CLEMENS PAPA X.

Ad perpetuam rei memoriam.

Romanus Pontifex supremus gratiarum dis-
pensator in terris a Domino constitutus, illis
quorum fidem, industriam, prudentiam, &
dexteritatem in gravibus, & arduis Apostolicæ
Sedis ministeribus gerendis, multis rerum experi-
mentis spectatas habet, ea libenter concedit, per
qua eis aliqua fiat decoris accessio, ut eo alacrius
in munere suorum functione perseverent.

S. 1. Itaque ad eximia dilectorum filiorum Clericorum Præsidentium Cameræ Apostolicæ in nos,
& dictam Sedem fidei, & devotionis, aliaque
multiplicita merita paternæ dirigentes considera-
tionis intuitum, eorumque virtutem aliqua hono-
ris prærogativa condecorare volentes, & eorum
singulares personas a quibusvis excommunicatio-
nis, suspensionis, & interdicti, aliisque Ecclesiasti-
cis sententiis, censuris, & penitentiis, vel
ab homine quavis occasione, vel causa latis, si
quibus quomodolibet innodati existunt, ad effe-
ctum præsentium dumtaxat consequendum, harum
serie absolventes, & absolutos fore censem-
tes, Motu proprio, ex certa scientia, & mera
liberalitate nostris, deque Apostolica potestatis
plenitudine, eisdem Cameræ Apostolicæ Clericis
Præsidentibus præsentibus, & futuris, ut ipsi omnes,
& singuli galeri redimiculum, *Cordone* vul-
gariter nuncupatum, coloris violacei, in quibusvis
functionibus, & actibus publicis, & privatis ubi-
que deferre, & gestare libere, & licite possint, &
valcent, tenore præsentium concedimus, & in-
dulgemus.

S. 2. Decernentes easdem præsentes literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, & illis, ad quos spectat, & pro
tempore spectabit, in omnibus, & per omnia pleni-
nissime suffragari; Sicque in præmissis per quocumque
Judices ordinarios, & delegatos, etiam
causarum Palati Apostolici, & S. R. E. Cardinales,
etiam de latere Legatos, & alios quolibet
quacumque præminentis, & potestate fungentes,
& functuros, sublata eis, & eorum culibet
quavis alter judicandi, & interpretandi facultate,
& autoritate, judicari, & definiri debere; ac ir-
ritum, & inane, si secus super his a quoquam
quavis autoritate scienter, vel ignoranter con-
tigerit attentari.

S. 3. Non obstantibus constitutionibus, & or-
dinationibus Apostolicis, ceterisque contrariis
quibuscumque.

Datum Romæ apud Sanctam Mariam Majorem sub
Annulo Piscatoris, die 21. Junii 1670.
Pontificatus Nostri Anno Primo.

I. G. Slusius.

*Registrata in Secr. in lib. Brevium mensis Ju-
nii par. 1. fol. 10.*

Declaratio, quod Vota in Congregatione Missio-
nis post illius Apostolicam confirmationem
emissa, & emitenda, ab aliis, quam a Summo
Pontifice, & Superiori Generali ejusdem Con-
gregationis in actu dimissionis ab eadem Con-
gregatione licite, & valide dispensari, commu-
nari, aut dissolvi non possint.

CLEMENS PAPA X.

*Ad perpetuam rei memoriam.*Nunc primū
edita.

Alias fel. rec. Alexander Papa VII. Prædeces-
tor noster nonnulla dubia super statu Congre-
gationis Missionis in Gallia incæpta, ac olim
a Sede Apostolica approbatæ, enata tollere vo-
lens, præfaram Congregationem Missionis, sicut
præfertur, incæptam, & approbatam Apostolica
authoritate confirmavit, & approbavit, cum
emissione Votorum simplicium Castitatis, Pau-
peratis, & Obedientiæ, necnon stabilitatis in dicta
Congregatione, ad effectum se toto vita tempore
saluti Pauperum rusticorum applicandi, post
biennium probationis facienda; In quorum ta-
men votorum emissione nemo interesset, qui ea
acceptaret, five nomine Congregationis, five pro
tempore existentes Romani Pontificis nomine;
Et vota sicut supra emissa dissolvere posset solus
Romanus Pontifex, necnon, & Superior Gene-
ralis dictæ Congregationis in actu dimissionis e
Congregatione; nemo autem alias etiam vigore
cujuscumque Jubilæi, Bullæ Cruciatæ, seu alterius
Privilegiæ, & Indulti, aut cujuscumque Con-
stitutionis, five concessionis, nisi in eis facta fuisset
specialis mentio horum votorum sicut supra
in dicta Congregatione emissorum, dissolvere,
aut commutare, vel dispensare posset, & valeret,
& alias prout in ipsis Alexandri prædecessoris
literis desuper in simili forma brevis die 22. Sep-
tembris 1660. expeditis, quorum tenorem præ-
sentibus pro plene, & sufficienter expresso, &
inseruo habem volumus, uberioris continetur.

S. 1. Cum autem sicut dilectus filius Superior
Generalis dictæ Congregationis Missionis nobis
nuper exponi fecit, quod aliqui post hujusmodi
vota in eadem Congregatione emissa ipsam Con-
gregationem deseruerint, afferentes se dictorum
votorum dispensationem, seu commutationem
obtinuisse a quibusdam Confessarii vigore literarum
Apostolicarum super Jubileæ emanatarum,
ac prædictos Confessarios potuisse dispensare, seu
commutare hujusmodi vota, quia in dictis literis
conceditur facultas communandi vota quæcumque,
castitatis, & religionis exceptis, ac deinde
in fine derogatur contrariis quibuscumque, & in
specie statutis, & consuetudinibus quoruncumque
Ordinum, & Congregationum, seu Institu-
torum Regularium, etiam confirmatione Aposto-
lica roboratis, necnon Privilegiis, Indultis, &
literis Apostolicis eisdem Ordinibus, & Congrega-
tionibus concessis, etiam si de illis, eorumque
totis tenoribus specialis, specifica, expressa, &
individua mentio habenda foret.

S. 2. Nobis propterea dictus Superior Gene-
ralis cupiens occurtere dictæ Congregationis præ-
judicio, & insimul consulere conscientias eorum,
qui tales dispensationes, seu commutations ob-
tinuerint, vel obtainere attarent, humiliter
supplicari fecit, ut in præmissis opportune provi-
dere, & ut infra indulgere de benignitate Aposto-
lica dignaremur: Nos igitur ipsis Superioris
Generalis desiderio hac in re favorabiliter annue-
re volentes, eumque a quibusvis excommunicationis,
suspensionis, & interdicti, aliisque Ecclesiasti-
cis sententiis, censuris, & penitentiis a Jure, vel
ab homine quavis occasione, vel causa latis, si
quibus quomodolibet innodatus existit, ad effe-
ctum præsentium tantum consequendum, harum

Motivum hu-
mus declara-
tionis.Preces Su-
perioris Gene-
ralis.

serie

ANNO
1670.

CLEMENS DECIMUS.

ANNO
1670.

Declaratio.

serie absolventes, & absolutum fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium Concilii Tridentini Interpretum Consilio, quod vota praedicta in dicta Congregatione Missionis post illius confirmationem Apostolicam praefatam emissa, & emitenda ab aliis quam a pro tempore existente Romano Pontifice, & Superiori Generali ejusdem Congregationis in actu dimissionis, ab ipsa Congregatione licite, & valide non potuerint, nec possint dispensari, commutari, aut alias quomodolibet dissolvi vigore cujuscumque Jubilæi, Bullæ Cruciatæ, seu alterius Privilegii, Indulti, Constitutionis, sive concessionis non facientium expressam dictorum votorum mentionem, autoritate praefata tenore praesentium declaramus.

§. 3. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, ac pro tempore quandocumque spectabat inviolabiliter observari: Sicque in premissis per quoscumque Judices Ordinarios, & delegatos, etiam causarum Palati Apostolici Auditores, judicari, & diffiniri debere; ac irritum, & inane, si fecus super his a quoquam quavis authoritate scienter, vel ignoranter contigerit attentari.

§. 4. Non obstantibus praemissis, ac Constitutionibus, & ordinationibus Apostolicis, necnon omnibus, & singulis illis, que memoratus Alexander praedecessor in suis literis praefatis concessit non obstat, ceterisque contrariis quibuscumque.

§. 5. Volumus autem ut ipsarum praesentium literarum transumptis, seu exemplis, etiam impressis manu alicuius Notarii publici subscribitis, & sigillo alicuius personæ in Ecclesiastica dignitate constitutæ munitis, eadem prols fides tam in judicio, quam extra illud habeatur, que haberetur ipsis si forent exhibitæ, vel ostense.

Datum Romæ apud S. Mariam Majorem sub Annulo Piscatoris die 23. Junii 1670. Pontificatus nostri Anno primo.

I. G. Slusius.

Registrata in Secretaria in lib. Brevi. Mensis Iulii 1670. par. 1. fol. 230.

Edita 23. Jun.
1670.

V.I.
Edita An.D.
1670.

Hactenus
non impref-
fa.

Exordium.

Licentia, ut Fratres Ordinis S. Francisci de observantia, etiam Presbyteri, medicinæ, & Chirurgiæ periti de suorum Superiorum licentia artes hujusmodi ad commodum, & utilitatem Christianorum in Terra Sancta existentium, possint exercere.

CLEMENS PAPA X.

Ad futuram rei memoriam.

Cum, sicut dilectus filius Jacobus Quintana a Jesu Maria Frater expresse professus Ordinis Minorum S. Francisci de observantia nuncupatorum, ac Terra Sanctæ in Romana Curia Commissarius Generalis nobis nuper exponi fecit, in Civitate Sanctæ Hierusalem, totaque custodia Terræ Sanctæ dicti Ordinis, nullus adst Medicus, vel Chirurgus Secularis, qui Infirmis & languidis in eorum infirmitatibus medeat; ibi vero esse soleant Fratres Ordinis praefati artium Medicinæ, & Chirurgiæ periti, qui medicam, chirurgicamque manum Christianis infirmis adhibere possent.

§. 1. Nobis propterea dictus Jacobus humiliiter supplicari fecit, ut in premissis opportune providere, & ut infra indulgere de benignitate Apostolica dignaremur. Nos igitur ipsis Jacobi desideriis hac in re quantum cum Domino possum-

mus, favorabiliter annuere volentes, eumque a quibusvis excommunicationis, suspensionis, & interdicti, aliquique Ecclesiasticis sententiis, censuris, & penis, a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, Fratribus dicti Ordinis artium Medicinæ, & Chirurgiæ hujusmodi peritis, etiam in sacro Presbyteratus Ordine constitutis, in Terra Sancta prædicta nunc, & pro tempore comorantibus, ut de Superiorum suorum licentia artes Medicinæ, & Chirurgiæ predicas juxta iliarum præcepta ad commodum, & utilitatem Christianorum in eadem Terra Sancta nunc, & pro tempore existentium dumtaxat, gratis tamen, & sine ulla mercede, ac in casu necessitatis tantum exercere, ac medicamenta, & alia necessaria præbere, & adhibere libere, & licite, ac sine ullo conscientia scrupulo, vel irregularitatis, alteriusve penæ, vel censura Ecclesiastica in cursu possint & valeant, autoritate Apostolica tenore praesentium concedimus & indulgemus.

§. 2. Non obstantibus Apostolicis, ac in Universalibus, Provincialibusque Conciliis editis generalibus, vel specialibus Constitutionibus, & ordinationibus, necnon quatenus opus sit dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem, sub Annulo Piscatoris die 7. Julii 1670. Pontificatus Nostri Anno Primo.

I. G. Slusius.

Edita die 7.
Julii 1670.

Indultum concessum Generali, & Diffinitorio Congregationis Montis Oliveri Ordinis S. Benedicti pro tempore existent., utendi facultate creandi Abbates titulares, eis per Constitutiones Ordinis attributa &c.

CLEMENS PAPA X.

Ad futuram rei memoriam.

Solicitude pastoralis officii, quo Ecclesia Catholica regimini divina dispositione præsidemus, nos admonet, ut paternam religiosorum virorum Altissimi obsequiis sub suavi monasticæ vita jugo mancipatorum curam gerentes, laudabilis eorum studia propositis præmis excitare, atque favere quantum nobis ex alto conceditur fatigamus.

§. 1. Dudum siquidem per fel. rec. Urbanum PP. VIII. praedecessorem nostrum accepto, quod in Congregatione Monachorum Montis Oliveti Ordinis S. Benedicti ex multiplici Abbatum titularium, seu Benemeritorum creatione, seu deputatione nonnulla inconvenientia, non sine monasticæ disciplinæ, & regularis observantiae detrimento oriuntur, idem Urbanus prædecessor his obviare volens, motu proprio, ac ex certa scientia, & matura deliberatione suis Generali, & aliis Abbatibus, Visitatoribus, Diffinitorio, & quibusvis aliis dictæ Congregationis superio-

Indugiet, tit
artem Medi-
cine, & Chi-
rurgie va-
teant exer-
cere.

Gratis fine
illa mercede,
ac in casu ne-
cessitatis.

Derogat
contratis.

Edita die 7.
Julii 1670.

VII.
Die 19. Julii
1670. An. 1.

Nunc primū
edita.

Exordium.

ribus